

紀元通攷



紀元通攷卷十一

總論

古無年號紀事者往往以時事表年攷之左傳襄公九年傳季

武子曰會于沙隨之歲寡君以生注成公十六年襄二十二年傳公孫

僑曰左晉先君悼公九年寡君於是卽位注魯襄公八年溴梁之明年

公孫夏從寡君以朝于君注溴梁在十六年間二年聞君將靖

東夏注謂二十二年襄二十六年傳會于夷儀之歲齊人城邾注在

四年齊人城邾之歲注在二十二年襄三十年傳師曠曰魯叔仲惠伯會

卻成子於承筐之歲也注在文公十一年昭七年傳鑄刑書之歲注在前年

紀元通攷

卷十一

一

晉韓宣子爲政聘於諸侯之歲注在昭十一年傳萇叔曰此蔡

侯般殺其君之歲也注襄公三十年

漢文帝十六年用新垣平言詔更以明年爲元年景帝八年改

稱中元年十四年改稱後元年史記秦本紀惠文王十四年更

爲元年竹書紀年魏惠成王三十六年改元稱一年國語越語

勾踐宦吳反國四年曰四年其五年六年七年皆曰又一年宋

黃震曰衛獻公在外十二年復入稱後元年出公亡在外四年

復入稱後元年

太初元年應劭曰初用夏正以正月爲歲首故改元太初

天漢元年應劭曰頻年苦旱故改元爲天漢以祈甘雨師古曰



大雅雲漢之詩美宣王遇旱災修德勤政而能致雨故依以爲年號也

通鑑二十一
卷漢武帝紀

太始元年應劭曰言盪滌天下與民更始也征和元年應劭曰

言征伐四夷而天下和平

通鑑二十二
卷漢武帝紀

元鳳元年應劭曰三年中鳳凰比下東海海西樂鄉故以冠元

通鑑二十三
卷漢昭帝紀

地節元年應劭曰以地震山崩水出於是改元曰地節欲令地

得其節

通鑑二十四
卷漢宣帝紀

神爵元年胡三省曰以神爵降集紀元

通鑑二十六
卷漢宣帝紀

甘露元年胡三省曰以甘露降紀元

通鑑二十七
卷漢宣帝紀

紀元通攷

卷十一

二

竟寧元年應劭曰呼韓邪單于願保塞邊竟得以安寧故以冠

元師古曰據如應說竟讀爲境古字實同但詔云長無兵革之

事竟者終極之可言永安寧也既無兵革中外安寧豈止境上

依本字讀義更宏通

通鑑二十九
卷漢元帝紀

河平元年胡三省曰以河決堤塞輒平紀元陽朔元年應劭曰

時陰盛陽微故改元欲陽氣之蘇息也師古曰應說非也朔始

也以山陽火生石中言陽氣之始

通鑑三十卷
漢成帝紀

建平二年六月從夏賀良等議詔以建平二年爲太初元年號

曰陳聖劉太平皇帝漏刻以百二十爲度八月詔曰過而不改

是謂過矣六月甲子詔書非赦令皆蠲除之

通鑑三十四
卷漢哀帝紀

居攝元年胡三省曰莽既攝政遂改元居攝上無天子通鑑不
得不以王莽繫年不書假皇帝直書王莽者不與其攝也及其
既篡也書莽不與其篡也吕后武后書太后其義亦然始初元
年攷異曰莽傳作初始荀紀及韋莊美嘉號錄宋庠紀元通譜
皆作始初通鑑三十六
卷漢紀王莽

始建國元年胡三省曰去年十二月莽改元以十二月爲歲首
通鑑不書不與其改正朔也通鑑三十六
卷漢紀王莽

天鳳六年莽令太史推三萬六千歲紀六歲一改元布天下衆
皆笑之地皇元年正月改元從三萬六千紀號也通鑑二十八
卷漢紀王莽

建武元年公孫述改元龍興胡三省曰時有龍出其府故以紀

紀元通攷

卷十一

三

元

通鑑四十卷
漢光武帝紀

中元元年攷異曰續漢志云以建武三十二年爲建武中元元
年紀元通譜云據紀志俱出范氏而所載不同此必傳寫脫誤
今學者失於精密但見紀元復有建武二字輒以意刪去繆矣
梁武大通大同之號俱有中字憲章于此今從袁紀范書洪氏
隸釋曰成都有漢蜀郡太守何君尊榭閣碑末云建武中元二
年六月按范紀直書爲中元元年觀此刻乃是雖別爲中元猶
冠以建武如文景中元後元之類是也又祭祀志載封禪後赦
天下詔云改建武三十二年爲建武中元元年東夷倭國傳建
武中元二年來奉貢證據甚明宋莒公紀元通譜云云司馬公

不取其說胡三省曰按攷異溫公非不取宋說也從袁范書中
元者從簡易耳通鑑四十四卷
漢光武帝紀

元和四年詔以瑞物仍集改元章和胡三省曰明和氣之致祥
也通鑑四十七卷
漢章帝紀

建康元年十一月九江賊徐鳳馬勉築營於武當山鳳稱無上
將軍勉稱皇帝建年號置百官通鑑五十二卷
漢順帝紀

永嘉元年攷異曰袁紀作元嘉誤通鑑五十二卷
漢冲帝紀

黃初元年胡三省曰魏受漢禪推五德之運以土繼火土色黃
故紀元黃初三年吳改元黃武胡三省曰亦以承漢為土德也

通鑑六十九卷
魏文帝紀

紀元通攷 卷十一

太和三年四月吳改元黃龍胡三省曰時夏口武昌並言黃龍
見權遂以紀元通鑑七十一卷
魏明帝紀

太和五年吳改明年元曰嘉禾胡三省曰會稽南始平言嘉禾
生故以紀元青龍元年正月甲申青龍見摩陂井中二月帝如

摩陂觀龍改元通鑑七十二卷
魏明帝紀

景初元年帝從高堂隆議三月下詔改元以是月為孟夏四月
更命太和歷曰景初歷通鑑七十二卷
魏明帝紀

景初二年九月吳改元赤烏胡三省曰以赤烏集於殿前也通鑑

七十四卷
魏明帝紀

甘露元年六月丙午改元胡三省曰甘露降也通鑑七十六卷
魏高貴鄉公紀

泰始元年四月吳改元甘露胡三省曰因蔣陵言甘露降二年八月吳改元寶鼎胡三省曰以所在得寶鼎七年吳改明年元曰鳳皇胡三省曰以西苑鳳皇集通鑑七十九卷晉武帝紀

咸寧元年正月吳掘地得銀尺改元天冊吳志曰銀長一尺廣三分上刻年月字二年吳人獻小石刻皇帝字云得於臨平湖

邊吳主改元天璽八月吳歷陽山有七穿駢羅穿中黃赤歷陽長上言石印發吳主遣使者以太牢祠之使者以朱書石曰楚

九州渚吳九州都揚州主作天子四世治太平始還以聞吳主大喜改明年元曰天紀通鑑八十卷晉武帝紀

永熙元年正月辛酉朔改元太熙胡三省曰太熙武帝所改至

卷十一

五

紀元通攷
四月己酉太子卽位改元永熙未踰年改元猶爲非古安有先

帝初棄羣臣太子卽位而遽以是日改元乎通鑑八十二卷晉惠帝紀

永康元年趙廢自稱益州牧攷異曰晉春秋云建號太平元年

他書無之今不取通鑑八十二卷晉惠帝紀

太安二年李特改元建初攷異曰帝紀載記後魏書李雄傳皆

云太安元年祖孝徵修文殿御覽三十國晉春秋皆云太安二

年今從御覽等書通鑑八十五卷晉惠帝紀

太熙元年李雄改元晏平攷異曰晉帝紀三十國晉春秋皆云

永興二年華陽國志後魏書序紀及李雄傳皆云光熙元年十

六國春秋目錄雄年號建興二晏平五與華陽國志同今從之

諸書雄改元晏平無大武年號惟載記改元大武無晏平年號
按雄國號大成故三十國春秋誤云改元大成載記轉寫誤爲

大武也

通鑑八十六
卷晉惠帝紀

永嘉三年劉淵改元河瑞胡三省曰汾水得玉璽因改元河瑞

通鑑八十七
卷晉懷帝紀

建興二年漢改元建元攷異曰十六國春秋建元元年在晉建

興二年同編修劉恕言今晉州臨汾縣嘉泉村有漢太宰劉雄

碑云嘉平五年歲在乙亥二月六日立然則改建元在乙亥二

月後也

通鑑八十九
卷晉愍帝紀

大興元年張寔不用江東年號猶稱建興胡三省曰河西張氏

紀元通攷

卷十一

六

用建興年號歷九世四十九年至孝宗升平五年張天錫乃奉

升平年號

通鑑九十卷
晉元帝紀

大興二年十一月石勒卽趙王位依春秋時列國稱元年

通鑑
九十

一卷晉
元帝紀

太寧三年黃龍見嘉泉祀禱等請張駿改元以章休祥駿不許

通鑑九十三
卷晉明帝紀

咸和九年十一月石虎稱居攝趙天王攷異曰三十國晉春秋

虎改元永熙陳鴻大統歷云石虎卽位改建平五年爲延興明

年改建武按晉春秋不記宏改元延熙虎之立寔延熙元年故

誤云永熙宏旣號延熙虎安肯改永熙陳鴻云虎改建平五年

爲延興卽是宏踰年不改元也恐鴻說誤通鑑九十五

永和元年燕王皝以爲古諸侯卽位各稱元年於是始不用晉

年號自稱十二年通鑑九十七

永和十年張祚改建興四十二年爲和平元年胡三省曰張氏

乃心晉室奉建興年號至四十餘年張祚凶淫改元僭擬祖父

之所不相也通鑑九十九

永和十一年六月苻健卒苻生改元壽光羣臣奏曰未踰年改

元非禮也生怒窮推議主得段純殺之九月張元靚復稱建興

四十三年通鑑一百卷

升平五年十二月張元靚始改建興四十九年奉升平年號胡

紀元通攷

卷一

七

三省曰涼夏至是方奉建康年號通鑑一百一

太元十一年呂光改元大安胡三省曰晉書載記作太安通鑑一百一

六卷晉孝武帝紀

隆安二年燕范陽王德改永康三年爲元年通鑑一百十

元興元年胡三省曰是年三月元顯敗復隆安年號桓元等改

曰大亨元篡又改曰永始元興之元改於是年正月通鑑自是

年迄義熙初元皆不改元興之元不與桓元之篡撥亂世反之

正也通鑑一百十二

元嘉五年魏改元神靡魏書靈徵志時定州獲白麕白麕鹿也

又見於樂陵通鑑一百二十

一卷宋文帝紀

元嘉十七年六月丁丑魏改元太平真君取寇謙之神書云輔佐北方太平真君也

通鑑一百二十
三卷宋文帝紀

孝建元年胡三省曰上既平元凶之亂依故事卽位踰年而後改元孝建者蓋欲以孝建平禍亂安宗廟之功二年七月雍州刺史武昌王渾與左右作檄文自號楚王改元永光備置百官以爲戲笑長史王翼之封呈其手迹上遣戴明寶詰責渾因逼令自殺時年十七

通鑑一百二十八
卷宋孝武帝紀

中大通元年魏北海王顥改元孝基攷異曰魏帝紀去年十月蕭衍以顥爲魏主號年孝基顥傳永安二年四月於梁國城南登壇燔燎年號孝基

通鑑一百五十
三卷梁武帝紀

紀元通攷

卷十一

八

中大通四年魏孝武帝以四月戊子卽位改元太昌十二月改元永興以與太宗同號又改永熙

通鑑一百五十四
五卷梁武帝紀

大寶元年湘東王繹以爲天子制于賊臣不肯從大寶之號猶稱太清四年

通鑑一百六十三
卷梁簡文帝紀

天嘉三年齊青州上言河水清四月改元河清

通鑑一百六十八
卷陳文帝紀

開皇二十年太史令袁充表稱隋興以後晝日漸長開皇元年冬至之景長一丈二尺七寸二分自爾漸短至十七年短於舊二寸七分日去極近則景短而日長日去極遠則景長而日短行內道則去極近行外道則去極遠謹按元命包曰日月出內璇璣得其常京房別傳曰太平日行上道升平行次道霸代行

下道伏惟大隋啟運上感乾元景短日長振古希有上臨朝謂百官曰景長之慶天之祐也今太子新立當須改元宜取日長之意以爲年號改明年爲仁壽九年

通鑑一百七十
九卷隋文帝紀

大業十二年操師乞建元始興攷異曰林士宏傳建元天成一
二月林士宏建元太平攷異曰唐高祖實錄建元延康唐書士

宏傳同今從隋書

通鑑一百八十
三卷隋煬帝紀

義寧元年正月竇建德改元丁丑攷異曰許敬宗太宗實錄舊唐書帝紀皆云武德元年二月按改元丁丑卽是今歲今從隋帝紀及建德傳義寧元年二月翟讓推李密爲主號爲魏公密稱元年攷異曰河洛記云改元永平今從蒲山公傳及隋唐書

紀元通攷

卷十一

九

通鑑一百八十
三卷隋恭帝紀

武德元年高開道自稱燕王改元始興攷異曰實錄唐書皆無開道年號柳璨正閏位歷六年號天成李昉歷代年號亦如之宋庠紀元通譜武德元年開道年號始興云出歷代紀要錄此號未知孰是今從紀要

通鑑一百八十
六卷唐高祖紀

武德四年劉黑闥襲漳南縣攷異曰革命記十月二十七日衆立黑闥爲漢東王改元天造今據實錄七月十九日甲戌黑闥陷相州乃稱王改元在五年正月今不取

通鑑一百八十
九卷唐高祖紀

麟德元年胡三省曰去年絳州麟見又含元殿前麟趾見於是改元乾封元年正月戊辰朔祀昊天上帝于泰山南己巳登泰

山封玉牒壬申改元總章元年胡三省曰以將作明堂改元通鑑

二百一卷 唐高宗紀

儀鳳三年四月戊申赦天下改來年元曰通乾十二月詔停來

年通乾之號以反語不善故也胡三省曰通乾反諳為天窮調

露元年會要云六月十三日改元調露永隆元年會要云八月

二十三日改元永隆開耀元年胡三省曰是年十月新書作九

月通鑑二百二 卷唐高宗紀

光宅元年九月徐敬業起兵揚州復稱嗣聖元年通鑑二百三 卷唐紀武后

神功元年九月改元胡三省曰以契丹破滅九鼎就成改元神

功通鑑二百六 卷唐紀武后

紀元通攷 卷十一

長安元年正月丁丑以成州言佛迹見改元大足十月辛酉改

元長安攷異曰朝野僉載云司刑寺囚于圓獄外羅牆角邊作

聖人迹五尺至夜半三百人一時大叫內史推問云昨夜有聖

人長三丈面作金色云汝等並冤枉卽有恩赦把火照之見有

偽跡卽大赦改元大足識者曰武家理天下足也今不取通鑑 二百

七卷唐 紀武后

神龍元年攷異曰新紀長安五年正月太子監國改元按則天

實錄神龍元年正月壬午朔大赦改元舊紀唐歷統紀會要皆

同紀元通譜亦以神龍為武后年號中宗因之新紀誤也通鑑 二百

七卷唐 中宗紀

景雲元年七月譙王重福改元中元克復攷異曰太上皇實錄

云改元中宗克復今從新書

通鑑二百九
卷唐睿宗紀

至德二載安慶緒改元天成攷異曰唐歷云改元天和薊門紀

亂云改元至成紀元通譜兩存之今從實錄

通鑑二百二十
卷唐肅宗紀

乾元二年史思明改元順天柳璨正閏位歷思明有順天應天

二號

通鑑二百二十
一卷唐肅宗紀

上元二年九月壬寅去年號但稱元年以建子月爲歲首月皆

以所建爲數實應元年建己月壬子楚州刺史崔旆表稱有尼

真如恍惚登天見上帝賜以寶玉十三枚甲子制改元復以建

寅爲正月月數如舊八月台州賊帥袁晁改元寶勝攷異曰正

紀元通攷

卷十一

十一

閏位歷紀元通譜曰改元昇國今從新書

通鑑二百二十
二卷唐肅宗紀

廣德元年七月壬寅羣臣上尊號曰寶應元聖文武孝皇帝壬

子改元九月吐蕃立章懷太子曾孫邠王守禮孫廣武王承宏

爲帝改元置百官十二月放之於華州

通鑑二百二十
三卷唐代宗紀

建中三年十一月朱滔稱冀王田悅稱魏王王武俊稱趙王李

納稱齊王俱不改年號

通鑑二百六十
卷唐昭宗紀

乾寧二年二月辛卯董昌改元順天攷異曰吳越備史曰或云

天冊或云大聖皆非也

通鑑二百六十
卷唐昭宗紀

開平元年河東鳳翔淮南稱天祐西川稱天復年號餘皆稟梁

正朔稱臣奉貢胡三省曰天復四年梁王劫唐昭宗遷洛改元

天祐河東西川謂劫天子遷都者梁也天祐非唐號不可稱乃稱天復及梁滅唐河東稱天祐四年西川仍稱天復九月蜀王卽皇帝位攷異曰莊宗列傳薛史唐餘錄皆云建改年號武成路振九國志宋庠紀元通譜歐陽史十國紀年皆云明年改元武成通鑑二百六十六卷後梁太祖紀

開平四年鎮定復稱天祐年號通鑑二十六十七卷後梁太祖紀

清泰元年正月戊寅愍帝改元應順胡三省曰取應天順人爲義非繼體之君所以紀元也通鑑二百七十八卷後唐潞王紀

天福元年十一月制改長興七年爲天福元年胡三省曰此清泰三年也而以爲唐明宗長興七年以潞王爲篡也通鑑二百八十卷後

紀元通攷 卷十一

晉高祖紀

天福八年唐元宗改元保大秘書郎韓熙載請俟踰年改元不從通鑑二百八十三卷後晉齊王紀

司馬光曰天生蒸民其勢不能自治必相與戴君以治之苟能禁暴除害以保全其生賞善罰惡使不至于亂斯可謂之君矣是以三代之前海內諸侯何啻萬國有民人社稷者通謂之君合萬國而君之立法度班號令而天下莫敢違者乃謂之王王德旣衰疆大之國能帥諸侯以尊天子者則謂之霸故自古天下無道諸侯力爭或曠世無王者固亦多矣秦焚書坑儒漢興學者始推五德生勝以秦爲閏位在木火之間霸而不王於是

正閔之論興矣及漢室顛覆三國鼎峙晉氏失馭五胡雲擾宋魏以降南北分治各有國史互相排黜南謂北爲索虜北謂南爲島夷朱氏代唐四方幅裂朱邪入汴比之窮新運歷年紀皆棄而不數此皆私己之偏辭非大公之通論也臣愚誠不足以識前代之正閔竊以爲苟不能使九州合爲一統皆有天子之名而無其實者也雖華夏仁暴大小強弱或時不同要皆與古之列國無異豈得獨尊獎一國謂之正統其餘皆爲僭僞哉若以自上相授受者爲正耶則陳氏何所受拓拔氏何所受若以居中夏者爲正耶則劉石慕容符姚赫連所得之土皆五帝三王之舊都也若以有道德者爲正耶則蕞爾之國必有令主三代之季豈無僻王是以正閔之論自古及今未有能通其意義確然使人不可移奪者也臣今所述止欲敘國家之興衰著生民之休戚使觀者自擇其善惡得失以爲勸戒非若春秋立褒貶之法撥亂世反諸正也正閔之際非所敢知但據其功業之寔而言之周秦漢晉隋唐皆嘗混壹九州傳祚於後子孫雖微弱播遷猶承祖宗之業有紹復之望四方與之爭衡者皆其故臣也故全用天子之制以臨之其餘地醜德齊莫能相壹名號不異本非君臣者皆以列國之制處之彼此均敵無所抑揚庶幾不誣事實近於至公然天下離析之際不可無歲時日月以識事之先後據漢傳於魏而晉受之晉傳于宋以至于陳而隋

取之唐傳於梁以至於周而大宋承之故不得不取魏宋齊梁陳後梁後唐後晉後漢後周年號以紀諸國之事非尊此而卑彼有正閏之辨也昭烈之於漢雖云中山靖王之後而族屬疎遠不能紀其世數名位亦猶宋高祖稱楚元王後南唐烈祖稱吳王恪後是非難辨故不敢以光武及晉元帝爲比使得紹漢氏之遺統也

溫公與范內翰論修書帖云凡年號皆以後來者爲定假如武德元年則從正月便爲唐高祖武德元年更不稱隋義寧二年元宗先天元年正月便不稱景雲三年梁開平元年正月便不稱唐天祐四年也

紀元道攷

卷一一

古

朱子資治通鑑綱目凡例統系例曰凡正統謂周起篇首威烈王二十三年盡赧王五十九年秦起始皇二十六年盡二世三年漢起高祖五年盡炎興元年此用習鑿齒及程子說自建安二十五年以後黜魏年而繫漢統與司馬氏異晉起太康元年盡元熙二年隋起開皇九年盡大業十三年唐起武德七年盡天祐四年

歲年例曰凡正統年號皆大書於橫行之下建國僭國之大者則於年下分註如魏黃初之類其篡賊于統而正統已絕無年可繫則朱註其國名墨註年號於行下如漢之呂氏新莽之類正統雖絕而故君尙存則追繫正統之年而注其下如唐之武

氏用范氏唐鑑及胡氏補遺義例其不成君亦依正統已絕之例如漢帝立之類凡無統自更端處如秦昭襄王五十二年楚漢元年吳黃武元年宋永初元年隋義寧元年梁開平元年卽於行下分註諸國之年大者紀年小者紀元

改元例曰後唐石晉之間溫公舊例尤爲顛錯凡中世而改元者著其始魏惠王一年漢文帝後元武帝元狩之類餘皆因事見之如章和之類凡中歲而改元無事義者以後爲正依溫公舊例以從簡便其在廢興之際關義理得失者以前爲正而注所改於下如漢建安二十五年十月魏始稱帝改元黃初而通鑑從是年之首卽爲魏黃初又章武三年五月後主卽位改元紀元通攷

卷十一

五

建興而通鑑於目錄舉要自是年之首卽稱建興凡若此類非惟失其事實而於君臣父子之教所害尤大故今正之但建安二十五年三月改元延康攷之范志及陳志註文是漢號而通鑑所書乃在曹丕稱王時所改者今不能悉見李方子綱目後序曰司馬公帝曹魏而寇蜀漢帝朱梁而寇河東繫武后之年黜中宗之號與夫屈原四皓之見削揚雄荀彧之見取若此類其於春秋懲勸之法又若有未盡同者此子朱子綱目之所爲作也

尹起莘綱目發明序曰朱文公書法有正例有變例如張良在秦而書曰韓人陶潛在宋而書曰晉處士揚雄在漢而書曰莽

大夫呂后在一統之時而以分註紀其年武氏改號光宅而止書中宗嗣聖之類是皆變文見意者也

劉友益綱目書法正統例曰凡天下混一爲正統正統者大書紀年繼世雖土地分裂猶大書之其非一統則分注細書之雖一統而君非正系或女主亦分註書之

賀善綱目書法序曰有遷北踰年而仍補書其六年者存中國

也晉懷帝永嘉六年

秦昭襄王丙午歲分註秦昭襄王五十二年及楚燕魏趙韓齊諸國之年劉友益書法曰

按通鑑自是歲揭秦紀而大書之蓋周旣亡而以秦繼也周亡

而秦繼之則綱目大書其年可矣此其與列國分註何天下未

紀元通攷

卷十一

七

一也天下未一秦亦列國耳必至于始皇二十六年秦并天下始以正統例大書之此綱目之所以夫一統也故曰統正于下而人道定矣漢晉唐初皆倣此徐昭文攷證曰謹按司馬公通鑑秦自是年繼周漢自高祖元年繼秦晉自泰始元年繼魏唐自武德元年繼隋綱目則秦起于始皇并六國之後漢起於滅楚之後晉起于平吳之後唐起於平羣盜之後如隋則綱目與通鑑同起於開皇九年平陳之後是之謂正統古昔帝王之御天下也典禮命討皆原於天立綱振紀人不敢紊是以六經不言正統統自正也周衰綱淪法數七國均敵不相統一後若南北朝五代天下無主不得已同謂之無統大儒述作之義在於

貴正統而賤無統故曰後之君子必有取焉

綱目卷二

漢高皇后甲寅歲

分註高皇后呂氏元年

尹起莘發明曰凡正統之年歲

天下大書非正統者兩行分註此固書法之正例也今呂氏臨朝

胡爲亦以分註書之嘗觀程子頤傳易於坤之六五有曰臣居

尊位翬莽是也猶可言也婦居尊位女媧氏武氏是也非常之

變不可言也夫呂氏制朝雖取他人子立之實非劉氏故綱目

於此分註其年以著其實非正統且以示天下非常之變故特

變例書之爲後世鑒爾劉友益書法曰於是有所謂少帝矣曷

爲仍以高皇后之年紀之少帝他人子而呂氏則漢太后也故

紀元通攷

卷十一

七

以呂氏紀元不以他人子亂正統也然則曷爲不予歲下大書

之婦人稱制天下之大變綱目所深懼也故變例書之

綱目卷三

漢文帝十六年詔更以明年爲元年尹起莘發明曰人君卽位

以元紀年故雖累數至百不改也文帝至是己十六年乃誅於

邪臣之說無故改元果何義哉直筆書之其失自見劉友益書

法曰人主卽位謂一爲元古也自魏營與齊相王始以三十六

年改元稱一年君子非之于是帝卽位十六年矣惑於異端復

有此失綱目書之譏惑也自是景帝有中元後元武帝十一改

元滋紛紛矣

同上

漢武帝元狩元年獲一角獸始以天瑞紀元尹起莘發明曰人

君卽位書元春秋諸儒論之詳矣未有建號紀元之事也自新垣平以日再中欺文帝於是始有後元之稱景帝因之七年而改中元又六年而改後元至武帝遂有建元之號甚失古人卽位紀元之意旣而長星竟天災異甚著乃反以元光爲名至是僅獲一獸亦因之而改號自後紛紛不可勝舉書曰始以天瑞紀元非美之也正所以譏其失爾不然一獸微物豈天瑞乎

綱目

四卷

漢哀帝建平二年六月大赦改元太初更號陳聖劉太平皇帝八月詔罷改元易號事劉友益書法曰改元不書所改此其書太初何過罷之也過罷之則如勿書惑於賀良之言以是爲可

紀元通攷

卷十一

大

譏也况武帝嘗改太初乎故并更號書

綱目卷七

漢帝立癸未歲

分註漢帝元更始元年

劉友益書法曰書改元矣曷爲不

以元紀年大書之不成之爲帝也何以不成之爲帝其不足以

君天下也明矣

綱目卷八

漢光武帝建武元年六月蕭王卽皇帝位改元大赦尹起莘發明曰漢王已平天下猶未正尊位必待諸侯力請而後從之光武未能削平海內遽正尊位何哉創業之與中興固是不同當是時更始旣已敗亡四方私竊名號者不一中外皇莫知所嚮世祖苟不早正位號以繫人心則天下之望孤矣故書蕭王卽皇帝位改元大赦者深幸之也烏得以高祖爲比而議之哉

同上

漢光武帝建武中元元年夏四月赦改元劉友益書法曰改元不書此何以書非常也自文帝以來改元多矣此其爲非常何帝卽位三十一年不改元於是特改中元以是爲異也是故文帝改後元書更世祖改中元書改皆異之也

綱目卷九

漢章帝章和元年六月改元是時屢有嘉瑞言者咸以爲美遂詔改元章和太尉掾何敞獨惡之謂宋由袁安曰夫瑞應依德而生災異緣政而見今異鳥翔于殿屋怪草生於庭際不可不察由安懼不敢答劉友益書法曰改元不書此何以書譏信諛

也綱目卷十

漢獻帝庚子歲大書二十五年汪克寬考異曰紫陽書院刊本紀元通攷

卷十一

九

作延康元年按改元例曰建安二十五年改元延康考之范史及陳志注文是漢號而通鑑所書乃若曹丕稱王時所改者今不能悉見則此當從閩本及提要作二十五年爲是

綱目卷十四

漢昭烈帝辛丑歲大書昭烈皇帝章武元年尹起莘發明曰三代而下惟漢得天下爲正誅無道秦討逆賊羽傳祚踰四百年尺地一民莫非漢有至桓靈不君董卓煽禍英雄羣起卓旣誅戮天下固漢之天下也曹操乘時擅命脅制天子戕殺國母義士爲之歎憤苟有一夫唱義于天下皆君子之所子况于堂堂帝室之胄英名蓋世者乎丕旣篡立漢祀無主翌烈

正蜀漢親位

承大統名正言順本無可疑自陳壽志三國全以天子之制子

魏而以列國待漢故通鑑因之以魏紀年至綱目始以昭烈承
獻帝之後紹漢遺統固非曲立異說好爲矛盾特通鑑謂始取
其年以紀諸國之事非尊此卑彼有正閏之辨此蓋因史筆以
紀述初不別立義例故其說不得不取于彼若夫綱目則取春
秋之義以示天下萬世之正論所以因操丕之篡竊大義莫得
而伸幸有昭烈足以承漢氏之統故其說不得不出於此二者
固並行而不相悖要亦有待於互相發明之意也按陳志昭烈
涿縣人中山靖王勝之後勝子正元狩六年封涿縣陸城亭侯
坐酎金失侯因家焉祖雄父弘生昭烈其世次本未甚明又按
歐陽修五代史載南唐世家李昇徐州人世本微賤父榮遇唐
紀元通攷

卷十一

十一

末之亂不知所終昇少孤楊行密養以爲子又乞與徐溫因冒
姓徐至篡吳之後始復姓李自言唐憲宗子建王恪之後及攷
通鑑則曰唐主欲祖吳王恪或曰恪誅死不若祖鄭王元懿唐
主命有司考二王苗裔以吳王孫禪有功禪子峴爲宰相遂祖
吳王自峴五代至父榮其名率皆有司所撰此與昭烈大相違
絕况諸葛一見昭烈首稱將軍帝室之胄及後求救孫權亦以
豫州王室之胄對權稱之亮固非妄言者也是以張松之說劉
璋且謂豫州使君之宗室而異時苻堅答苻融諫伐晉之語亦
曰劉禪豈非漢之遺祚然亦爲中國所并然則昭烈之爲漢裔
顯顯無疑以之紹統夫復何說是年曹丕旣立昭烈卽正位號

不使漢統墜地深合事宜其與光武卽位于鄗晉元卽位江左先後一轍固非其他僭竊急於自帝者之比斯事在綱目中最大者臣故歷考顛末詳而辨之以告後之君子亦使朱氏秉筆之志暴白於天下云劉友益書法曰大書章武何紹昭烈於高光也魏篡立吳割據昭烈親中山靖王之裔名正言順舍此安歸綱目揭章武而大書之然後正閏順逆各得其所故曰統正於下而人道定矣同上

漢昭烈帝二年冬十月吳王權改元拒魏劉友益書法曰綱曰之惡魏深矣其書改元所以著其拒魏之實非予之也同上

漢後帝癸卯歲大書後主建興元年劉友益書法曰始不踰年

紀元通攷

卷十一

三

改元也汪克寬考異曰按名號例曰正統之君秦漢以下曰帝無統之君漢以後稱帝者曰某主則此當依晉帝奕例書曰帝禪今刊本仍書後主與齊高緯陳叔寶同稱則爲無統之主而非正統之帝矣陳志昭烈稱先主綱目草其號大書昭烈皇帝而後主未革舊史蓋當時錄者因史舊文朱子偶未及改也又按改元例凡中歲而改元闕義理得失者以前爲正注所改於下如章武三年五月後主卽位改元建興通鑑目錄舉要自是年之首卽稱建興非惟失其事實而于君臣父子之教所善尤大故今正之今刊本於歲首卽書建興元年而不著章武三年著然唐中宗景龍四年六月睿宗卽位睿宗太極元年八月元宗

卽位綱目皆分註嗣君改元于先帝之未年至次年始大書曆
宗皇帝景雲二年元宗皇帝開元元年則此建興元年大書亦
門人書生鈔錄舊史之誤當從提要及紫陽書院刊本大書三
年分註帝禪建興元年而明年始大書帝禪建興二年上

同

晉惠帝庚戌歲大書孝惠皇帝永熙元年徐昭文考證曰謹按
是年四月晉武帝崩歲首卽太康十一年也當依蜀章武三年
例以前爲正或曰愍帝亦四月卽位元年三月卽晉王位夫何
以後爲正乎曰不同也是年書太康十一年者正武帝之終次
年書元康元年者正惠帝之始此綱目之正例也愍元二帝卽
位之年卽書元年者以懷愍皆不得正其終必於歲首追書建
紀元通攷

卷十一

三

興建武之號以正其統本春秋之法魯昭公在外薨定公六月
卽位於歲首卽書元年也汪克寬考異曰當於歲首大書十一
年分註孝惠皇帝永熙元年明年始大書孝惠皇帝永熙二年
庚按晉武帝太康十一年正月改元太熙惠帝永熙二年正月
改元永平三月改元元康則此歲首當大書太熙元年明年大
書孝惠皇帝元康元年考證所云十
一年考異所云十一年永熙二年誤

晉懷帝壬申歲大書六年劉友益書法曰于是帝遷平陽踰年
矣書六年何存正統也

綱目卷十八

晉簡文帝辛未歲大書太宗簡文皇帝咸安元年汪克寬考異
曰改元例曰中歲改元關義理得失者以前爲正而注所改於
下據此年十一月桓溫廢帝奕立簡文則此當大書六年分注

太宗簡文皇帝昱咸安元年而明年始大書之徐昭文攷證曰謹按是歲寔帝奕太和六年也十一月桓溫搆誣辭廢帝立簡文今諸本於歲首卽去太和之年大書簡文之號是於帝奕在位之日已追廢之矣通鑑舊文欲從簡便耳凡例謂漢建安二十五年之首卽書魏黃初非惟失其事實而於君臣之義所害尤大故今正之夫以太和咸安而不正則是遂桓溫之非傷人倫之教豈立言之本意哉故當改書六年于歲首分註簡文諡年于其下云

綱目卷二十一

陳文帝天嘉三年四月齊青州言河水清齊主遣使祭之改元劉友益書法曰漢桓之策書河水清矣

延熹九年

此其書言益疑之

紀元通攷

卷十一

三

云爾而因以改元誣矣是故光武郡國甘露降則書言

中元元年桓

帝巴郡黃龍則書言

永康元年

齊青州河水清則書言皆疑之之辭

也

綱目卷三十四

陳宣帝大建十年

分註周宣帝贊宣政元年

大建十一年

分註周靜帝關大象元年

汪克

寬攷異曰按宣政乃周武帝改元宣帝六月卽位仍用武帝年

號明年始改元天成二月傳位太子闡政元大象據唐順宗以

德宗貞元二十一年正月卽位綱目仍于歲首大書二十一年

分注順宗皇帝承貞元年則此大建十年分注當曰周宣政元

年大建十一年分注當曰周宣帝贊天成元年靜帝闡大象元

年

綱目卷三十五

隋文帝仁壽元年春正月改元尹起莘發明曰改元罕有書而此書之者所以著其日長誣罔之說也劉友益書法曰非始建國不書改元此何以書譏相蒙也是故漢惑諂者之言而改章和則書改元魏惑謙之之言而改太平真君則書改元隋信袁克之言而改仁壽則書改元皆譏也

綱目卷二十六

唐中宗甲申歲大書中宗皇帝嗣聖元年自此以後皆大書中宗之年而每歲書帝在某州尹起莘發明曰昔范公祖禹修唐鑑取法春秋黜武氏之號繫嗣聖之年而通鑑則本之唐史列武氏于本紀卽以光宅紀元自後盡用武氏之號今綱目止以嗣聖紀年亦求其是而已夫中宗國之正統武氏無故廢之革

紀元通攷

卷十一

一

命易姓無異莽操所爲然天下唐之天下武氏安得而絕之綱目繫嗣聖而黜光宅所以扶三綱立人極示天下以正大之義使後世賊亂之徒無以自立於天下爾或曰吕后制朝何不繫惠帝之年曰惠帝旣沒固無年之可紀况吕后又取他人子名爲惠帝子而立之故綱目但以兩行分注吕氏之年已足見其非正統之意固不得與中宗尙在者爲比而得繫以嗣聖之號也劉友益書法曰於是太后以二月廢帝立睿宗改元文明九月太后改元光宅不紀光宅黜武氏也曷爲不以文明大書不與武后之得廢立也故從唐鑑以嗣聖紀年而每歲書帝在某州邱濬曰按唐史臣沈旣濟謂魯昭公之出春秋書曰公在乾

侯君雖失位不敢廢也每歲之首必先書中宗所居紀稱中宗而事述武后范祖禹作唐鑑非唐書列武后於本紀故繫嗣聖之年黜武后之號綱日本此二說於每歲甲子下大書嗣聖之年分注武氏年號于其下每歲書帝所在而武氏行事則以太后書之可謂萬世之高見矣說者謂天無二日民無二王一國不容有兩號武氏既革唐爲周有周則無唐矣無唐則無帝矣且是時睿宗雖擁虛器武后未嘗明廢之也書帝在某處而不著其名則混而無辨矣中宗既廢之後別立君矣屢改元矣所謂嗣聖之號僅有再閱月之稱若仍以其年次第書之則是假辭以立義非紀實也史綱于圈中書唐字而于其下分書武氏

紀元通攷

卷十一

十一

之年以見是時天下雖專制武氏而寔唐之天下雖曰唐之天下而所以專制之者寔武氏也及乎每年帝在之書必著其名而使人不疑中宗於睿宗如此則義得其正事不沒其實賊后之罪既得以暴著于天下君臣之義又得以昭明於後世云

綱目卷四十一

唐睿宗辛亥歲大書睿宗皇帝景雲二年劉友益書法曰非元年不書號此二年也去年嘗細書睿宗皇帝景雲元年矣此其復大書睿宗皇帝何正始也中宗弑重茂廢宜立者相王旦也大書睿宗皇帝所以正其始也

綱目卷四十二

唐肅宗丁酉歲大書二載劉友益書法曰睿宗二年大書睿宗

皇帝景雲二年正始也於是而大書肅宗皇帝至德二載恆也
其不書何譏始之不正也始無所受其不正也甚矣綱目不從
睿宗例書之所以病之也汪克寬攷異曰據睿宗次年大書睿
宗皇帝景雲二年此當于二載之上仍書肅宗皇帝至德六字
蓋傳錄闕漏也徐昭文考證曰當書肅宗皇帝至德於二載之
上謹按姚氏曰睿宗景雲三年下分註元宗先天元年明年大
書元宗明皇帝開元元年至天寶十五載下分注肅宗至德元
載明年惟書二載未嘗大書肅宗皇帝至德爲無始故今于二
載之上加肅宗皇帝至德使得上同于開元矣

綱目卷四十四

乾元元年二月大赦改元劉友益書法曰非始建國不書改元

紀元通攷

卷十一

三

此何以書譏也何譏肅宗至是三赦矣卽位大赦常事也上皇
還西京又赦非常宜赦也至是又以改元赦不已數乎書曰大
赦改元譏在數赦不在改元也

全上

唐順宗永貞元年劉友益書法曰是歲順宗卽位八月傳禪雖
不踰年改元非得已也

綱目卷四十八

紀元通考卷十二

秀水葉維庚著

總論

薛應旂宋元通鑑曰契丹聖宗初遭母喪哀毀骨立羣臣請改元隆緒曰改元吉禮也居喪行吉禮乃不孝子也

宋元通鑑曰哲宗元祐九年四月癸丑白虹貫日會布上疏請復先帝政事且乞改元以順天意帝從之詔改元祐九年爲紹聖元年於是天下曉然知帝意所向矣

宋元通鑑曰哲宗元符三年十一月徽宗詔改明年元議以元祐紹聖均有所先欲以大公至正消釋朋黨遂改元爲建中靖紀元通攷

卷十二

一

國詔下御史中丞王覲言建中之名雖取皇極然重襲前代紀號非是宜以德宗爲戒建中靖國元年權給事任伯雨言自古未有君子小人雜然並進可以致治者二者並用終于君子盡去小人獨留唐德宗坐此致播遷之禍建中乃其紀號不可以不戒右司諫江公望上疏言陛下詔旨亦稱思建皇極端好惡以示人本中和而立政皇天后土實聞此言今若渝之其若皇天后土何十一月詔改元會布主于紹述請改明年元爲崇寧從之

宋元通鑑曰紹興三十一年金主亮聞曹國公卽位於東京改元大定拊髀歎曰朕本欲平江南改元大定此非天乎因出其

素所書一戎衣天下大定改元事以示羣臣

宋元通鑑曰遼天祚以保大壬寅出奔明年癸卯張毅仍稱保大三年畫天祚像朝夕謁事告而後行

宋元通鑑曰靖康二年三月丁酉金人立張邦昌爲帝邦昌雖不改元而百官文移必去年號惟呂好問所行文書稱靖康二年

宋元通鑑曰建炎元年兩河雖陷于金而民懷朝廷恩所在結爲紅巾出攻城邑皆用建炎年號金人稍稍引去及聞帝南幸無不解體

宋元通鑑曰寶慶三年李全還楚州服蒙古衣冠文移紀甲子紀元通攷

卷十二

二

而無年號
三國志評曰禮國君繼體踰年改元而章武之三年則革稱建興考之古義體理爲違

宋書五行志劉備卒劉禪卽位亦未踰月而改元爲建興此言之不從也習鑿齒曰禮國君卽位踰年而後改元者緣臣子之心不忍一年而有二君也今可謂亟而不知體矣君子是以知蜀之不能東遷也後又降晉吳孫亮晉惠帝宋元凶亦如是亮不終其位惠帝號令非已元凶尋誅言不從也

三國志秋八月武昌言麒麟見有司言麒麟者太平之應宜改年號詔曰間者赤烏集于殿前朕所親見若神靈以爲嘉祥則

改年宜以赤烏爲元群臣奏曰昔武王伐紂有赤烏之祥王亟觀之遂有天下聖人書策載述最詳者以爲近事旣嘉親見之明也于是改二元

宋書符瑞志孫亮建興二年十一月大烏五見于春申吳人以爲鳳凰明年改元爲五鳳又曰吳孫皓建衡三年西苑言鳳凰集以之改元義同于亮

晉紀或謂庾冰曰郭璞讖云立始之際邛山傾立者建也始者元也邛山諱也冰矍然旣而嘆曰如有吉凶豈改易所能救乎至是果驗

晉五行志曰桓元改年大亨譚言曰二月了桓元傳初出僞詔紀元通攷

卷十二

三

改建始王攸之曰趙王倫僞號又改永始亦是王莽始執政之歲其兆號不詳冥符僭逆如此

海陵王紀史臣曰郭璞稱永昌之名有二日之象而隆昌之號亦同焉

北史後梁蕭琮年號廣運有識者曰運之爲字軍走也吾君其奔走乎

北齊書改元天保士有深識者曰天保之字爲一大人只十帝其不過十乎

北齊書延宗改元識者以爲德昌之文纔得二日果二日而敗金史衛紹王改元大安崇慶至寧有人曰三年大崇至矣大崇

者大蟲也俄而有胡沙虎之變

唐陸勳集異志晉哀帝隆和初童謠升平不滿斗隆和那得久桓公入石頭陛下徒出走朝廷惡之改元興寧人復歌曰雖復改興寧亦自無聊生哀帝尋崩升平五年而穆帝崩不滿斗者升平不至十年也

蘇鄂杜陽雜編宣宗製秦邊陲曲有曰海岳晏咸通及上垂拱而年號咸通焉

唐無名氏玉泉子真錄廣明年號識者以爲黃巢日月 閩景宗卽位改元國人相謂曰可謂大昏元年

歐陽修歸田錄仁宗卽位改元天聖時章獻明肅太后臨朝稱紀元通改

卷十二

四

制議者謂撰號取天字于文爲二人以爲二人聖者悅太后爾至九年改明道又以爲日月並也與二人旨同無何以犯契丹諱明年遽改景祐是時連歲大旱冀以迎和氣也五年因郊改寶元自景祐初羣臣慕唐元宗以開元加尊號遂請加景祐於尊號之上至寶元亦是歲趙元昊以河西叛改姓元氏朝廷惡之遽改爲康定不復加於尊號而好事者又以康定爲謚明年又改慶厯至九年大旱又改皇祐猶景祐也六年日蝕四月朔以爲正陽之月自古所忌又改至和三年不豫久之康復乃改嘉祐自天聖至此年號凡九皆有謂也又曰國朝百有餘年號無過九年者

葉夢得石林燕語熙寧末年早詔議改元執政初議大成神宗曰不可成字于文一人負戈又擬豐亨復曰不可亨字爲子不成惟豐字可用改元豐

陸游老學菴筆記政和未擬改元王黼擬改重和既下詔矣范至虛白上曰此契丹號也故未幾復改宣和然重和乃契丹宮殿名猶我之宣德門也年名實曰重熙建中靖國後避天祚嫌名追稱重熙曰重和不避可也

袁氏楓窗小牘道君皇帝改元宣和離合其字曰一旦宋亡此與蕭歸離合後周宣政爲宇文亡日同

二帝北狩康王在濟州汪伯彥引天命人心爲請謂靖康紀元紀元通攷

卷十二

五

爲十一月立康之兆帝曰當更思之
孝宗內禪汪應辰言唐太宗受高宗禪明年始改元從之又議改元重熙應辰謂契丹紀年遂改隆興

宋鄱陽張世南游宦紀聞改元始于共和紀號倡于漢武後世遵用之我宋年號無過九年者惟紹興三十二年淳熙十六年李心傳建炎以來朝野雜記乾道癸巳冬至南郊肆赦改明年元爲純熙後六日中書門下省言若合淳化雍熙言之當用淳熙字庶幾仰體主上取法祖宗之意從之高宗卽位改元建炎以火德中微故也苗劉之亂以爲炎字乃兩火故多盜明年還自海上改五年爲紹興旣與金和遂不復改孝宗改隆興以爲

務隆紹興之政及學士草制則合建隆紹興之義非初意矣二年王瞻叔爲叅知政事言趙諗謀逆欲以隆興紀元會太常寺丞曾逮檢事實以進上愕然明年郊改乾道至九年時以爲乾元用九之數已極乃改純熙又易純爲淳言欲致淳化雍熙之美也光宗將紹淳熙之政遂以紹熙紀元猶隆興意爾而學士草制則又合紹興淳熙爲義亦非初意也五年上繼統趙子直相銳意慶厯元祐故事乃改慶元

趙彥衡雲麓漫鈔年名始漢武皆寓美意孝宗改乾道爲純熙詩曰時純熙矣有言純旁作屯不可用

呂陶淨德集記聞曰元祐之政謂元豐之法不便卽復嘉祐之紀元道攷

卷十二

六

法以救之然不可盡變大率新舊二法並用貴其便於民也議者乃云對鉤行法朝士善譎豈獨法令爲然至於年號亦對鉤矣

宋令狐澄大中遺事裴暉詩有太康字宣宗曰太康失邦何以此謂我宰執奏晉武帝改元太康宣宗曰天子須博覽不然幾錯罪暉由是耽味經史夜觀書不休宮中竊自上爲老博士

王應麟困學紀聞曰三國鼎峙司馬公通鑑以魏爲正統

木陳壽

朱子綱目以漢蜀爲正統

本習鑿齒

然稽於天文則熒惑守心魏文

帝殂而吳蜀無他此黃權對魏明帝之言也若可以魏爲正矣乃犯心大星王者惡之漢昭烈殂而魏吳無他權將何辭以對

困學紀聞曰定公六月卽位而於春夏書元年正義謂漢魏以來雖於秋冬改元史於春夏卽以元年冠之因於古也通鑑漢建安二十五年之初漢尙未亡卽以爲魏黃初元年朱文公謂奪漢太速與魏太遽非春秋存陳之意

顧炎武曰知錄曰春秋定公元年不書正月杜氏曰公卽位在六月故正義曰公未卽位必不改元而於春夏卽稱元年者未改之日必承前君之年于是春夏當名此年爲昭公三十三年及六月旣改之後方以元年紀事及史書定策須有一統不可半年從前半年從後雖則年初亦統此歲故入年卽稱元年也漢魏以來雖于秋冬改元史於春夏卽以元年冠之是有因於紀元通攷

卷十二

七

古也按溫公通鑑是用此例然有不可通者春秋于昭公三十三年之春而卽書定公元年者昭公蓋已薨於上年之十二月矣若漢獻帝延康元年十月始禪于魏而正月之初漢帝尙存卽加以魏文黃初之號則非春秋之義矣豈有舊君尙在當時之人皆稟其正朔而後之爲史者顧乃追奪之乎

胡氏皇王大紀論曰君子小人之不可相處如水火也况文王大聖受辛下愚乎惟文王致紂敬信得專征伐紂雖名爲天子其實與天下諸侯及萬民均入化育之中矣此文王受命之實也先儒不識天道乃以改元稱王爲受命陋之甚也文王得專征伐之枋九年而薨故書曰皇天震怒命我文考肅將天威惟

九年大統未集則安有改元稱王之事先儒不本經文推原義理是以文王爲曹操司馬懿之流矣吁操與懿尙不改元而謂文王爲之哉

蔡沈書秦誓傳曰漢孔氏言虞芮質成爲文王受命改元之年凡九年而文王崩武王立二年而觀兵又三年而伐紂合爲十有三年此皆惑于僞秦誓而誤解九年大統未集與夫觀政於商之語也古者人君卽位則稱元年所以計其在位之久近常事也自秦惠文始改十四年爲元年漢文帝亦改十七年爲後元年自後說春秋以改元爲重歐陽氏曰固重事歟西伯卽位已改元年中間不宜改元而又改元至武王卽位宜改元而反不改元乃上冒先君之元年并其居喪稱十一年及其滅商而得天下其事大于聽訟遠矣而又不改元由是言之謂文王受命改元武王冒文王之元年者皆妄也歐陽氏之辨極爲明著但其日十一年者亦惑于書序十一年之誤也

紀元通攷

卷十二

八

困學紀聞曰武成惟九年大統未集通鑑外紀引尙書大傳文王受命一年斷虞芮之質帝王世紀文王卽位四十二年歲在鶉火更爲受命之元年周書文傳文王受命九年時惟暮春在編召太子發按史記秦惠王十四年更爲元年汲冢紀年魏惠成王三十六年改元稱一年或皆有因於古也

困學紀聞曰詩人道西伯受命之年稱王而斷虞芮之訟歐陽

公以爲妄說五峰胡氏曰詩人言文王受命指其至誠動天得
天人之助耳李子思曰以虞芮質成之年爲文王興王業之初
則可而謂文王于是自稱王則不可朱文公謂武成有惟九年
大統未集之說若以在位五十年推之不知九年當從何處數
起亦未見史遷全不是歐陽公全是不若兩存之劉道原曰遷
不見古文尙書以文王受命七年而崩孔安國見武成篇故秦
誓傳曰周自虞芮質厥成諸侯並附以爲受命之年至九年文
王卒劉歆三統歷以爲九年

王應麟玉海曰詩文王正義尙書運期授注云周文王以戊午
部二十九年受命受命之月已是季秋至明年乃改元書序云

紀元通攷

卷十二

九

惟十有一年武王伐殷注云本文王受命而數之是年入戊午
部四十歲矣以歷校之入戊午部二十九年歲在戊午其年殷
九月二十五日得甲子明年乃改元則元年歲在己未是得赤
雀之命後年改元之驗也易是類謀注云入戊午部二十九年
時赤雀銜丹書而命之季秋之月甲子赤雀銜丹書武成正義
文王斷虞芮之訟諸侯歸之改稱元年諸侯自于其國各稱元
年是已之所稱容或中年得改汲冢紀年魏惠成王有後元年
漢初文帝二元景帝三元此必有因於古也

班固白虎通曰不可曠年無君故踰年乃卽位改元元以名年
年以紀事何以知踰年卽位改元也春秋傳曰以諸侯踰年卽

位亦知天子踰年卽位也春秋曰元年春王正月公卽位改元卽位也王者改元卽事天地諸侯改元卽事社稷

困學紀聞曰胡文定春秋傳元卽仁也仁人心也龜山謂其說似太支離恐改元初無此意東萊集解亦不取

玉海曰春秋正義春秋緯稱黃帝受圖有五始說公羊者云元者氣之始春者四時之始王者受命之始正月者政教之始公卽位者一國之始春秋緯云黃帝坐於扈閭鳳皇銜書致帝前其中得五始之文謂此五事何休又云公卽位者一國之始政莫大于正始故春秋以元之氣正天之端以天之端正王之政以王之政正諸侯之卽位

紀元通攷

卷十二

十

玉海曰元者氣之本善之長也人君執大本長庶物欲其與元同體故年稱元也諸侯于其封內各得改元傳說鄭國之事云僖之元年簡之元年是諸侯皆改元非獨魯也春秋後傳惟王者改元諸侯改元自汾王以前未有也晉竹書曲沃莊伯十一年十一月則用夏正爲歲首而秦譜至宣公初置閏月不惟改元又改歷矣書正義顧氏云殷家猶質踰月卽改元年以明世異不待正月以爲首也郎顛曰仲冬季始歷運變改故可改元所以順天道也文中子曰改元立號非古也其於侈心自作之

平

困學紀聞曰道書有赤明上皇無極永壽之號後周甄鸞著笑

道論曰古先帝王立年無號至漢武帝始建元後王因之上皇之號可笑之深

王海曰隋志道經有延康赤明龍漢開皇是其年號

玉海曰舜典紀元曰商訓稱元祀春秋晉元年人君之元卽乾坤之元也大哉乾元萬物資始天之用也至哉坤元萬物資生地之用也成位乎其中則與天地參元卽仁也仁人心也衆非元后何戴后體元則仁覆天下矣卽位之一年必稱元年累數雖久而不易戰國而下此義不明秦惠文王十四年更爲元年竹書魏惠王有後元始變謂一爲元之制漢文帝十六年歐方士說改後元年景帝因之壬辰改中元戊戌改後元猶未以號

紀元通攷

卷十二

十一

紀年也武帝因事建號一元曰建二元以長星曰光六年而更始曰朔郊得一角獸曰狩顏氏謂年號起建元劉氏謂起元鼎呂氏謂元鼎亦追改也及征和之後復改後元年于是武帝厭改元矣歷代襲沿或五六年或三四年或一歲再更一歲三號一歲四號記注繁蕪莫之勝載哀帝以建平二年爲太初元將見于王莽傳世祖以建武三十二年爲建武中元見於續漢志而本紀削二字梁之大通大同俱有中元亦憲章於建武也經載十二年名不易陳壽以美諸葛忠武侯間有復古號爲元年如魏廢帝恭帝周閔帝明帝唐肅宗未幾仍舊蓋春秋之義不明久矣卽位踰年改元古制也劉禪孫亮石宏苻生李景未踰

年而改亡以議爲晉惠帝改武帝太熙爲永熙謂欲長奉先皇之制亦非也議者以爲違春秋踰年書卽位之文令史官沒之明年正月復改元唐順宗以貞元二十一年正月嗣至八月改元永貞蓋已稱太上皇嫌於獨無紀年故亟更之太平興國之改元不俟踰年史臣謂與常例不同又有踰年而不改元者唐中宗仍武后神龍代宗繼寶應至七月梁末帝追承乾化晉出帝襲天福至九年孟昶仍父明德漢高祖追用晉天福隱帝仍父乾祐周世宗仍太祖顯德皆非禮之正唐哀帝仍昭宗天祐蓋畏朱溫而不敢云漢獻除光熹昭寧永漢梁元帝黜太寶梁末帝黜鳳歷諉曰繼故晉惠後改永安漢高祖黜開運最爲無

紀元通攷

卷十二

五

謂自唐德宗慨想貞觀開元之盛改貞元以法二祖紀元用先代名始干

唐德宗貞元合貞觀開元之名用李涪之言我朝因之若淳熙慶元開禧之類是也

元祐之號或謂並用元豐嘉祐而有對鉤之談隆興欲隆紹興之治紹熙將紹淳熙之政詞臣草詔乃台建隆紹興及紹興淳熙爲義非初意矣夫歷世無窮而美名有盡於是離合之識有重複之嫌如永昌隆昌爲二日大亨爲一人二月了天正爲二人一年而止天保爲一大人只十隆化爲降死德昌爲得二日宣政爲宇文亡日大象爲天子家廣運爲軍走大業爲大苦末廣明爲唐去丑口而著黃家日月太平爲一人六十咸字人口有戈宣和爲一家有二日靖康爲立十二月康建炎爲兩火

此離合之讖也炎興應司馬氏之名升平有不滿斗之譖大足若數足而則天改之天元爲周號昌字乃二日而李泌議之成字負戈美者犬馬亨爲子不成而神宗避之隆興近正隆純熙旁作屯而孝宗更之治平或謂火德不宜用水康定靖康或謂如其謚法天聖於文爲二人明道於文爲日月並蓋以母后之臨朝也乾道之九年而改謂用九之數已極純熙之易爲淳懿告成大武之語發號告元其謹始如此乃若晋建興同孫劉之號唐至德永泰襲陳齊之舊晋惠六同漢號一同吳號漢哀之太初晋元之建武魏孝武之永興唐肅宗之上元皆自重一代之號乾德蜀號也因官人鑑背而後知隆興僞號也因曾布曰錄而後見建中靖國之紀元曾肇以唐建中爲疑欲改建字爲執字任伯雨亦以唐爲戒而徽宗謂梁末禪位年號太平太宗不以爲嫌重和犯契丹重熙之稱一年而亟改高孝欲用炎興乾統以劉蜀契丹已用而更議此重復之嫌也至和三年而改以至道末年爲忌熙寧崇寧或云同劉宋陵名宣和或云契丹宮門名其避忌又不止于重復矣然晋有立始長順之筮唐有元和咸通之兆我朝有重火之讖是亦有數存焉若文王以受命之年爲元年緯書之說也文王不宜改元而又改元武王宜改元而不改元歐陽子嘗辨其妄矣道家有延康赤明龍漢開皇之紀上皇無極永壽之號事不經見云

玉海曰漢文帝十六年九月得玉杯刻曰人主延壽明年改元
索隱曰按秦本紀惠文王十四年更爲元年又汲冢周書魏惠
王亦有後元當取法于此又按封禪書以新垣平候曰再中故
改元也武帝建元元年顏師古曰年號起於此劉貢父曰自元
鼎以前之年皆有司所追命其實號起元鼎呂氏曰封禪書言
寶鼎出爲元鼎以今年爲元封元年然則元鼎之號亦追改也
終軍傳對曰今郊祀未見于神祇而獲獸以饋宜因昭時令曰
改定告元對奏由是改元爲元狩劉仲馮曰按紀獲麟在元狩
元年史記封禪書元鼎三年有司始言元不宜以一二數乃云
三元曰狩蓋追述也

紀元通攷

卷十二

古

日知錄曰漢文帝後元年景帝中元年後元年當時只是改爲
元年後人追紀之爲中爲後耳若武帝之後元元年則自名之
爲後光武之中元元年則自名之爲中梁武帝之中大通中大
同亦然不可以一例論也元順帝至元元年重用世祖之號後
人追紀之則曰後至元元年

日知錄曰正統之論始於習鑿齒不過帝漢而僞魏吳二國耳
自編年之書出而疑於年號之無所從而其論乃紛紛矣夫年
號與正朔自不相闕故周平王四十九年而孔子則書之爲魯
隱公之元年何也春秋魯史也據其國之人所稱而書之也晉
之乘存則必以是年爲鄂侯之二年矣楚之檇杌存則必以是

年爲武王之十九年矣觀左傳文公十七年鄭子家與晉韓宣子書曰寡君卽位三年而其下文曰十三年十四年十五年則自稱其國之年襄公二十二年少正公孫僑對晉之辭曰在晉先君悼公九年我寡君於此卽位而其下文遂曰我二年我四年則兩稱其國之年也故如三國志則漢人傳中自用漢年號魏人吳人傳中自用魏吳年號雖推之南北朝五代遼金並各自用其年號此之謂從實若病其難知只須別作年表一卷庚按顧氏所辨良是然各從其國之所稱自宜從實若後世作編年之體則不可不明正閏之統何則各据其實者一國之辭也明其正閏者天下萬世之辭也孔子作魯春秋故曰隱公元年孔子若修王朝之史豈不曰平王四十九年乎且王莽篡漢而班固作傳其于始建國天鳳地皇之號一一用以紀年

紀元通攷

卷十二

五

蓋不得不以紀年非帝之也後人作書乃以編年爲一大事而論世之學疏矣庚按三國時黃初之類非不得以紀年豈可而天道明統正于下而人道春秋傳亦有用他國之年者齊襄公之二年鄭瞞伐齊注云魯桓公之十六年庚按文公十一年傳僖之四

年子然卒簡之元年士子孔卒注云鄭僖四年魯襄六年鄭簡元年魯襄八年庚按襄公十九年傳又按漏襄公七年傳及其元年注鄭僖元年魯襄三年漢時諸

侯王得自稱元年漢書諸侯王表楚王戊二十一年孝景三年楚元王傳亦云楚王延壽二十二年地節元年之類是也淮南子天文

訓淮南元年冬太一在丙子謂淮南王安始立之年注者不達乃曰淮南王作書之元年又曰淮南王僭號此爲未讀史記漢

書者矣

趙明誠金石錄有楚鐘銘惟王五十六祀之論正同此失

又攷漢時不獨王也卽列

侯于其國中得自稱元年史記高祖功臣侯年表高祖六年平

陽懿侯曹參元年孝惠六年靖侯窟元年孝文後四年簡侯奇

元年是也呂氏考古圖周陽侯嬴鎡銘曰周陽侯家銅三習嬴

鎡容五斗重十八斤六兩侯治國五年五月國鑄第四

呂大臨曰侯治

國五年者自以侯文選魏都賦劉良注文昌殿前有鐘魏四侯嗣位之年數也

年歲次丙申龍次大火五月丙寅作鞋賓鐘魏四年者曹操爲

魏公之四年漢獻帝建安二十一年也元史順帝紀至正二

十八年乃明洪武元年也直書二十八年自是以下書曰後二

年四月丙戌帝殂于應昌是時明太祖卽位已三年而書元主

紀元通攷

卷十二

五

曰帝且不以明朝之年號加之深得史法疑此出于聖裁不獨

宋王二公之能守古法也英宗命儒臣修續通鑑綱目亦書元

順帝至正二十七年而不書吳元年宋史馬廷鸞傳瀛國公卽

位召不至自罷相歸又十七年而薨甚爲得體然他傳復有書

至元者

庚按王應麟卒于元成宗元貞二年丙申本傳云後二十年卒而不書元貞年號

羅泌路史曰元年者史氏之本辭也君卽位之一年稱元古之

史皆然書大甲元年維元祀虞夏有元祀之文非春秋始爲法

也古人君卽位必踰年改元者將以重遽革不敢以前之餘爲

今之始也

蔡沈書傳伊訓曰元祀者大甲卽位之元年孔氏不得其說而

意湯崩踰月大甲卽位莫殯而告是以崩年改元也蘇氏曰崩年改元亂世事也不容在伊尹而有之

日知錄曰晉書載記十六國時嗣位改元者皆在本年此史家取便序事連屬書之其寔皆改明年元也不容十六國之中數十主皆不踰年而改元者也金石錄據趙橫山李君神碑石虎建武六年歲在庚子與載記合若從帝紀則建武六年當是己亥今此碑與西門豹祠殿基記皆是庚子以此知帝紀之失此是差一年之證然載記亦不盡合昔人作史但存其年號而已不屑屑于歲月也續綱曰景炎三年五月以後爲帝昺祥興元年非也黃潛番禺客語改元在明年正月己酉朔蓋亦是卽

紀元通攷

卷十二

七

位之初改明年元耳史家省文卽繫于前年月日之下曰改元祥興以此推十六國事必當同此

歐陽修五代史漢本紀論曰嗚呼人君卽位稱元年常事爾古不以爲重也孔子未修春秋其前固已如此雖暴君昏主妄庸之史其記事先後遠近莫不以歲月一二數之乃理之自然也其謂一爲元亦未嘗有法蓋古人之語爾及後世曲學之士始謂孔子書元年爲春秋大法遂以改元爲重事自漢以後又名年以建元而正僞紛雜稱號遂多不勝其紀也五代亂世也其事無法而不合于理者多矣至其年號乖錯以惑後世則不可以不明初梁太祖以乾化二年遇殺明年末帝已誅友珪黜其

鳳歷之號復稱乾化三年尙爲有說至漢高祖建國黜晉出帝
開運四年復稱天福十二年者何哉蓋以其愛憎之私爾方出
帝時漢高祖居太原常憤憤下視晉而晉亦陽優禮之幸而未
見其隙及契丹滅晉漢未嘗有赴難之意出帝已北遷方陽以
兵聲言追之至土門而還及其卽位改元而黜開運之號則其
用心可知矣蓋其于出帝無復君臣之義而幸禍以爲利者其
素志也可勝歎哉夫所謂有諸中必形於外者其見於是乎
徐無黨五代史乾祐二年注曰隱帝卽位至此宜改元而不改
而帝名承佑年名乾祐舉國臣民共稱而不改避當時莫大之
失本紀無議者但書其實後世自見也又顯德二年注曰五代
紀元通攷

卷十二

七

亂世以嗣君卽位者五而改元不依古者四梁末帝晉出帝卽
位踰年宜改元而不改又明年然後改漢隱帝周世宗皆仍稱
先帝年號終其世不改者也

困學紀聞曰古器銘十有三月十有四月十有九月云正月乙
子或云丁子呂與叔考古圖謂嗣王踰年未改元故以月數乙
子卽甲子丁子卽丙子世質人淳取其同類不然殆不可攷曾
子固謂古字皆重出此文作三者特二字耳

日知錄曰古時人君改元並從下詔之日爲始未嘗追改以前
之歲月日也魏志三少帝紀上書嘉平六年十月庚寅下書正
元元年十月壬辰吳志三嗣主傳上書太平三年十月己卯下

書永安元年十月壬午晉書武帝紀上書魏咸熙三年十一月
下書泰始元年十二月景

庚按卽丙修晉書者遵唐世祖元皇帝之嫌名諱也

寅宋書武

帝紀上書晉元熙二年六月甲子下書永初元年六月丁卯文

帝紀上書景平二年八月丙申下書元嘉元年八月丁酉明帝

紀上書永光元年十二月庚申下書泰始元年十二月丙寅唐

書高宗紀上書顯慶二年六月己未下書龍朔元年三月丙申

朔中宗紀上書神龍三年九月庚子下書景龍元年九月甲辰

睿宗紀上書景龍四年七月己巳下書景雲元年七月己巳玄

宗紀上書先天二年十二月庚寅朔下書開元元年十二月己

亥韓文公順宗實錄上書貞元二十一年八月庚子下書永貞

紀元通攷

卷十二

充

元年八月辛丑若此之類並是據實而書至司馬溫公作通鑑

慮其勢錯乃勑新例必取末後一號冠諸春正月之前當時已

有譏之者 史家變亂年號始自隋書大業十二

庚按當年十三

一月景辰唐公入京師辛酉遙尊帝爲太上皇立代王侑爲帝

改元義寧而下卽書云二年三月右屯衛將軍宇文文化及等作

亂上崩於温室按此大業十三

庚按當年四

年煬帝在江都而蒙以

代王長安之號甚爲無理作史者唐臣不得不爾然於煬帝紀

書十三

庚按當年四

年於恭帝紀書二年兩從其實似亦未害 明

朝太宗實錄上書四年六月己巳下書洪武三十五年六月庚

午正是史臣實書與前代合但不明書建文年號後人因謂之

革除耳英宗實錄上書景泰八年正月辛巳下書天順元年正月壬午旬有六日而不沒其實且如萬曆四十八年九月以後爲泰昌元年若依溫公例取泰昌之號冠諸四十八年春正月之前則詔令文移一一皆當追改且上誣先皇矣故紀年之法從古爲正不以一年兩號三號爲嫌

徐無黨五代史天成元年注曰寔同光四年而書天成元年者大赦改元文見不可知莊宗本紀自書同光四年各從其所稱旣曰改元不嫌二號也

尹守衡史竊靖難紀曰建文四年六月帝卽位革除建文年號改紀洪武以是年爲洪武三十五年革除紀序曰使孫蒙祖號

紀元通攷

卷十二

三

祖繫孫年則四年神器安歸一代臣民誰托蓋亦舛矣

黃瑜雙槐歲鈔曰天順元年二月乙未朔廢景泰仍爲廊王革其年號欽天監奏除景泰年號上曰朕心有所不忍仍舊書之初續表忠記曰光廟賓天年號未定皖城左光斗曰今日以天啟存泰昌非以泰昌更萬曆也當以萬曆四十八年九月爲泰昌元年議始定

困學紀聞曰君子可欺以其方難罔以非其道日無再中之理而新垣平言之日無漸長之理而袁充言之漢文隋文皆以是改元漢文悟平之詐而隋文終受充之欺此存亡之判與

玉海曰賈逵傳陛下

庚按謂漢肅宗章帝

通天竺之明建大聖之本改元

正厯垂萬世則是以麟鳳百數嘉瑞雜還注改元謂改建初九年爲元和元年八月癸酉詔正厯謂元和二年始用四分厯二月東甲寅

觀紀章帝時鳳凰見百三十九麒麟五十二白虎三十四神雀

白燕等史官不可勝紀陳湯傳耿育上書延壽湯係萬里難制

之虜先帝庚按謂漢元帝下明詔宣著有功改年垂厯庚按顏師古曰謂改年爲竟寧

也不以此事蓋當其年上書者附著耳胡三省通鑑注曰元帝紀詔以郵衣服幸呼韓邪修朝邊垂長無兵革之事其改元爲竟寧則改年亦以

此事非附著也傳之無窮應是南郡獻白虎

玉海曰漢武六年一改號自太初後四年一改孝昭亦六年一

改孝宣四年一改孝元五年一改孝成四年一改餘改號皆不常年號

至十年以上不改者光武建武三十一孝明永平十八孝和永

紀元通攷 卷十二 三

元十六孝獻建安二十四蜀漢後主建興十五延熙二十吳大

帝赤烏十三晉武泰始十太康十穆帝永和十二孝武太元二

十一安帝義熙十四宋文帝元嘉三十齊武永明十一梁武天

監十八大同十一陳宣大建十四魏昭成稱代建國三十九道武

登國十太武真君庚按宜作太平真君十一孝文太和二十三西魏文帝

大統十七庚按漏北齊文宣天保十隋文開皇二十煬帝大業

十三唐太宗貞觀三十三元宗開元二十九天寶十四代宗大

厯十四德宗貞元二十一憲宗元和十四宣宗大中十三懿宗

咸通十四庚按十六國及十國世家王氏所不數宋及遼夏金王氏所未載故此

玉海曰建隆四年十一月甲子郊祀改元乾德六年十一月二

十四日郊陳告謝之儀改開寶

興國庚按宜作太平興國

九年十一月

二十一日郊改雍熙五年正月十七日藉田改端拱 景祐五

年十一月十一日郊改寶元 康定二年十一月二十日郊改

慶厯 至和三年九月十二日恭謝改嘉祐

靖國庚按宜作建中靖國

元年十一月二十三日郊改崇寧 乾道元年正月一日郊祀

改元

法乾德紹元之義

九年十一月九日郊改淳熙

玉海宋朝年號頌曰天祐下民藝祖立極繇三而五建隆乾德

開寶之九享國十七太宗之元改爲興國八而改之雍熙乃復

四而更之端拱乃續麟正二書淳化是易鳳紀五盼至道是革

至三而終二十二訖章聖纘圖咸平凡六景德祥符四九其別

紀元通攷

卷十二

五

天禧乾興五一其畢二紀仍葺仁皇嗣服天聖明道九二先及

景祐寶元康定慶厯皇祐至和嘉祐之日曰四而二曰一而八

曰五而二曰八而足四十二年政事修飭英皇治平四載善述

神考之興聿新制作熙寧十更元豐八閱哲宗紹休元祐凡八

紹聖元符四三其列十有五禮徽皇靖國崇觀政重宣和岌岌

總其歷年五加二十靖康屯難高宗正域建炎炎紹興再立宗祐

四興三二紀凡三厯孝廟隆興乾道相襲二九之餘淳熙十六

二十七春乾清坤謚光宗五稔紹熙駿適寧考慶元六更歲律

泰禧四三嘉定十七三十年間不遑暇逸吾皇承統光增燕翼

寶慶三改紹定六易端平嘉熙厯載凡七淳祐十二寶祐歲六

開慶一禩景定更瑟

字文化及之僭號曰夫壽安慶緒之僭號曰天成天和史思明之僭號曰順天應天朱泚之僭號曰應天天皇李希烈之僭號曰應天吁逆賊之無天甚矣

趙元昊改元開運或言石晉敗亡之號也更曰廣運按廣運亦後梁蕭瑄東漢劉繼元敗亡之號也

困學紀聞曰楊盛不改義熙年號其志如陶靖節執謂夷無人哉 庚按武都王楊盛謚惠文卒于宋文帝元嘉二年初聞晉亡不改義熙年號世子遣使來告喪始用元嘉年號又按近世傳占衡丞初甲子辨謂陶淵明十題甲子始自庚子皆是晉年

紀元通攷

卷十二

三

不著晉號則知沈約李延壽之說皆非也

困學紀聞曰韓偓自書裴郡君祭文首書甲戌歲衡書前翰林學士承旨銀青光祿大夫行尚書戶部侍郎知制誥昌黎縣開國男食邑三百戶韓某是歲朱氏篡唐己八年爲乾化四年猶書唐故官而不用梁年號

日知錄曰通鑑後唐莊宗同光二年封岐王李茂貞爲秦王比得薛昌序所撰鳳翔法門寺碑天祐十九年建其文已稱秦王則前乎同光之二年矣蓋必茂貞所自稱又史言茂貞奉天祐年號此碑之未亦書天祐十九年而篇中歷述前事則並以天復紀年至天復二十年止亦與史不合 五代史李彥威傳是

時昭宗改元天祐遷於東都爲梁所迫而晉人蜀人以為天祐之號非唐所建不復稱之但稱天復前蜀世家則云建與唐隔絕而不知故仍稱天復其說不同按此碑則岐人亦稱天復史失之也 又今陽城縣有後周顯德二年徐綸撰龍泉禪院記內述天祐十九年按此地本屬梁此記乃追削梁號而改稱天祐者

日知錄曰唐朝一帝改年號者十餘其見於文必全書無割取一字用之者至宋始有熙豐政宣建紹乾淳之語已是不敬然猶一帝之號自相連屬無合兩帝而稱之者又必用上一字惟元豐以元字與元祐無別故用下字本朝文人有稱永宣成弘

紀元遺攷

卷一二

音

嘉隆合兩帝之號而爲一稱

天啟六年部疏稱正統正德爲二正奉旨列聖年號昭然如何說二

正近又去上一字而稱慶厯啟禎更爲不通矣

雙槐歲鈔曰宋仁宗名禎諱真爲正凡唐朝年號貞觀曰正觀

貞元曰正元

日知錄曰唐中宗諱顯元宗諱隆基唐人凡追稱高宗顯慶年號多云明慶永隆年號多云永崇趙元昊以父名德明改宋明道年號爲顯道

溫公問劉道原曰武陵王紀本傳大寶二年四月紀僭位于蜀年號天正與蕭棟暗合識者尤之曰於文天爲二人正爲一止言各一年止也道原何故于承聖元年書武陵王紀卽位於蜀

道原曰南史簡文紀大寶二年八月侯景卽位明年四月武陵王紀僭號於蜀按蕭棟以大寶二年八月卽位改元天正若紀以大寶二年四月改元事乃在先非是暗合又紀本傳紀次西陵時陸納未平紀軍後逼上甚憂之陸納以承聖元年十月反大寶二年不應言陸納未平故從帝紀承聖元年武陵王紀僭號

困學紀聞曰史記魏世家三十六年惠王卒左傳後序曰古書紀年篇魏惠王三十六年改元稱一年至十有六年而稱惠成王卒卽惠王也疑史記誤分惠成之世以爲後王年也朱文公謂惠襄哀之年見于竹書明甚史記蓋失其實邵子皇極之書紀元通攷

卷十二

三

乃從史記而不取竹書

困學紀聞曰正義云和帝元興十一年鄭興父子奏上左氏始得立學遂行于世至章帝時賈逵上春秋大義四十條愚嘗考和帝元興止一年安得有十一年一誤也鄭興子衆終於章帝建初八年不及和帝時二誤也章帝之子爲和帝先後失序三誤也釋文序錄亦云元興十一年皆非也

困學紀聞曰太初厯以前厯上元太初四千六百一十七歲至于元封七年復得闕逢攝提格之歲孟康注此爲甲寅之歲大事記解題按通鑑目錄皇極經世太初元年庚按元封七年改爲太初元年歲在丁丑當考愚按大衍厯議云洪範傳曰厯記始于上元太始

闕逢攝提格之歲畢陬之月朔日己巳立春七曜俱在營室五
度秦顛頊厯元起乙卯漢太初厯元起丁丑推而上之皆不值
甲寅猶以日月五緯復得上元本星度故命曰闕逢攝提格之
歲而寔非甲寅

胡三省通鑑辨誤曰史炤釋文云禿髮烏孤以後魏元興元年
僭竊西平王余按通鑑烏孤稱西平王乃後魏皇始二年明年
魏改元天興無元興年號

王世貞讀書後書僧倜禪師傳後曰傳謂齊乾明元年四月十
三日辰時端坐而終而朝野紀聞僉載二書謂隋文帝爲大力
長者及文帝以魏大統七年生是年辛酉至庚辰生二十年而
紀元通攷

卷十二

三

始爲乾明元年今乃稱倜師後身可笑

書真仙通鑑後曰路大安傳尤爲不經據大安以順帝漢安元
年壬午生至惠帝永康二年辛酉當爲壽一百六十年矣而是
時王戎僅七十耳乃謂大安爲甥而戎爲舅其鹵莽一至此且
惠帝永康元年四月趙王倫反自爲相國明年正月廢帝于金
墉城庚按改元建始四月反正改元永寧是永康無二年也惠帝不辨

菽麥人也一年之內見廢于趙王倫復辟之後齊王冏專政帝
食息不自制而何以能召大安驅襁厲疫所謂上真授記年與
名同可以冲天遂以大安元年白日上昇然年號寔太安非大
安也

鍾廣漢歷代建元攷曰玉海載桓謙有天康天安二號他書未見

魏書劉曜得黑兔改元太和按太和石勒之號

述異記呂光承康元年有鬼叫於都街曰兄弟相滅百姓斃則呂光尙有承康一號而正史逸之

沈德符正閏攷按蘇綽大誥稱中興十三年仍安定王舊號也實則大統九年蓋安定雖高歡所立仍爲歡所弑故追用其年若孝武帝凡三改年號且西奔長安依宇文泰乃盡廢其年而不用則以末年與泰有隙也泰之無君且不學如此鍾廣漢曰宇文以高氏爲僞安肯奉其所立之號哉時以文帝振將墜之紀元通攷

卷十二

三

統比之周宣漢光且將行周禮廢年號故改稱中興耳若謂黜正統之孝武而紀末成君之安定非篤論也况文帝之憑藉宇文大統之元實卽秦所改何嫌而并置之乎北史劉逖傳武成崩和士開欲改元議者各異逖請爲武平私謂士開曰武平反爲明輔逖作此以爲公士開悅而從之鍾廣漢曰范陽王稱武平以繫民望如後漢劉氏之天福耳前史俱曰改元非也

宋沈括夢溪筆談熙寧中得大錢三十餘千文皆順天得一當時在廷皆疑古無得一年號莫知何代物鍾廣漢曰唐書史思明僭號鑄順天得一錢順天乃其僞號得一特以名錢耳非年

號也

南遷錄世宗改興慶濰王改大統章宗改大定改之金史無一
是者

宋孟珙蒙韃備錄蒙人稱年號曰兔兒年龍兒年至去年方改
曰庚辰年今日辛巳年南遷錄載與金國詔稱龍虎九年非也

朝野雜記郝八名儀以貞祐三年春

宋寧宗嘉定七年甲戌

據山東僭號

大齊改元順天金人遣花帽軍生擒之鍾廣漢曰攷金史本紀
及侯摯傳有郝定無郝儀則改元順天必定也金史失記而南
中誤傳其名耳

農田餘話元英宗年號至治識者以至治拆成晉王二字晉王

紀元通攷

卷十二

三

入踐大統改元泰定字出道書非正也

宋國楨湧幢小品宏治間河南府得銅印三百顆俱識年號事
聞下禮部上言至順至元至正俱元文宗以後年號龍鳳興定
又元末偽宋年號鍾廣漢謂興定金宣宗年名小明王建元龍
鳳未嘗復改一時禮曹諸臣鮮有博雅者不及致辨耳

新唐書長慶元年大理卿劉元鼎爲盟會使入吐蕃定盟策署
彝泰七年餘無可攷

五代史晉天福三年遣供奉官張匡鄴判官高居誨冊于闐李
聖天爲大寶于闐王行二歲至于闐其年號則同慶二十九年
蓋中國之天福五年也

新羅國孝昭王聖德王時當中國唐中宗之世唐自嗣聖後武
后改元十七而東史但書嗣聖正朔立義如綱目亦良史矣以
上皆建元攷

陳絳金罍子曰年號者用以表年識事治官察民與天下同之
非廟諱比也唐德宗興元元年以梁州爲興元府宋太宗太平
興國江南仍置太平軍真宗大中祥符畿內因改祥符縣高宗
紹興升越州爲紹興府孝宗隆興改洪州爲隆興府彼方寵州
郡以紀年之嘉名况因年以移州郡之名乎蓋今隆慶之爲延
慶也一時建言者不審也

趙葵行營雜錄曰國家開寶中所鑄錢文曰宋通元寶至寶元
紀元通攷

卷十二

五

中曰皇宋通寶近世錢文皆鑄年號惟此二錢不然者以年號
有寶字文不可重也

錢鑄年號始於宋孝武孝建四銖錢通典所紀甚明馮鑑事始
謂後魏孝莊時用錢稍薄高道穆請改鑄大錢文載年號以記
其始遂以錢鑄年號始於永安非也宋孝武孝建元年甲午先
於後魏孝莊永安二年己酉七十六年

唐有開元通寶錢非始於明皇也高祖武德四年己先鑄開元
通寶錢矣

玉海曰唐古今年號錄志封演一卷

天寶末

書目一卷封演集并

序以肅宗至德代宗永泰乃陳後主齊明帝年號爲失於攷據

遂起漢武建元至於唐纂爲一卷 後蜀杜光庭撰古今類聚
年號圖一卷自漢武建元元年辛丑至蜀乾德元年己卯凡一
千五十九年歷一百八十九君改四百七號內六十號重出
崇文書目年號歷一卷紀年錄一卷元類一卷

玉海曰紀元通譜十二卷叅政宋庠撰以古今運歷之書凡十
餘家皆無可采遂取十七代正史百家雜記凡正僞年號括爲
一書斷自漢文後元之戊寅下止周恭帝顯德之庚申凡一千
一百二十三歲并本朝建隆之元至慶歷元年之辛巳合爲十
二卷其十八篇曰統元以甲子貫之其二篇曰類元 歷代紀
年賦一卷大理丞楊億撰自漢至五代別爲宋頌四章 紹興
紀元通攷 卷十二
中晁公邁撰歷代紀年十卷 紹熙五年八月侯望進古今年
號錄五卷自漢建元至今一千三百三十五年正僞年號總八
百三十八爲字二百三十五

紀元通考卷十二

夫木金水火推五德之循環日月星辰經一元之運會俛仰十二史得失之故如林上下四千餘年治亂之原若燭而文垂乙庫書富酉山論世知人莫獲迷津寶筏年經國緯難如漆室明珠爰攷太初式觀元始商周以上猶循紀戎之文秦漢而還乃有建元之號然而履端踐阼正朔奚取數更作親同文年號何容妄竊乃一元曰建二元曰光攷元鼎之初未獲汾陰寶鼎讀元封之詔誰云泰岱乾封擬雲漢於周詩修德乃能救旱定歲元於夏正授時務念勤民河決而曰河平地震而云地節天書寶玉爭傳神應之符元鳳黃龍競奉禎祥之論景寧漸短乃更仁壽之文漏縱可增未見太平之治皇帝菩薩金甌頓缺於紀元通攷

卷十二

太清天子門生玉輅竟幽於光化炎興改而漢祚熄天祐更而唐運衰開元之宦暨始張紹聖之黨人飲泣帝言泰定君號建文清其流濁其源蓋云惑矣亂日多治日少竊有感焉向使道穆虞絃紀綿禹鼎治日方永泰階恒平又何至消長同潮屢換已成之局輪贏似奕別開割據之天哉乃創業非易而守成寔難或中知之君而權好制之或童昏之主而婦寺翫之或好大喜功而神仙之見惑或擿微燭隱而賢否之辨迷遂至太阿倒持芳蘭見刈長城自壞鳴鳥不聞鵲起蝸爭蠡屯螿聚金戈鋌馬蹂躪于中原紫蓋黃旂招搖於江左籌行王母酒勸長星天雨白毛野無青草慨壬申之無主痛乙酉之食人九鼎蒙塵龍

持

虎失關中之氣六鐘出涕草木皆山上之兵則有黃武黃初繼
錄圖於火德天璽天紀消王氣於金陵太平真君妄冀神書輔
佐天冊萬歲修尊徽號金輪建庚子於酒泉紀丁丑于樂壽龍
頭豬尾遂空五馬之羣兔子金牀妄建羅平之國天授禮法延
祚爰闢西平貞明承智大同厥傳南詔以及天鳳地皇之紀長
安大足之文嘉禾甘露之祥白雀赤烏之瑞紛紜勦襲參錯差
池謂貫鼎之非難必摘齊之有道烏噓前有居攝后有革除通
鑑書元興不與桓元之篡綱目紀嗣聖用黜武氏之文獻帝在
而黜建安奪漢太速元宗立而改保大踰年未遑易永興爲永
熙避嫌稽古改至元於天統失寔襲名志不忘唐猶稱天復心
紀元通攷

卷十二

三

惟在晉不改義熙得漢碑於嘉泉乃定建元之歲閱古鏡於宮
女爰知乾德之銘庚幸際

昌辰欣逢

盛世頌

堯階之蕢莢仰

舜殿之卿雲識愧全牛學慚半豹以蠡測海訂筆削之大文用
管窺天作雕蟲之小技始於辛丑迄於辛巳一千九百六十二
年總計九百五十六號卷凡十二成於三冬願就正於高賢知貽
譏于大疋畫蘆依樣有媿宋庠紀元通譜之書享帚自琛或擬

楊億歷代紀年之賦

道光辛巳歲嘉平月秀水葉維庚識

紀元通攷

卷十二

三



光緒辛巳歲嘉平月秀水葉維庚識

自漢武惑方士之說建號紀年後世踵之或數歲一更或一歲數更史冊淆訛至紊不可理南宋以後一帝一號不甚更易蓋漸知其非也夫世運日趨於文帝號無紀而僅以一二稱數卽於民事往往隔閡但守一元之定紀不爲屢改之彌文其於古亦無悖故通儒雖多譏之而歷代終莫能廢焉元之爲義視大始而正本也肇三微之靈統建一皇之鴻稱爲典至鉅苟有沿襲謬誤安得不見嗤通人貽笑來世唐封演以肅宗至德代宗永泰同於齊後主陳明帝爲失於攷據故纂古今年號錄一卷自是以後杜光庭宋庠輩各有編輯歷元明至 國朝成書不下數十種而自唐以來年號之襲於前代者猶時有之則搜采紀元通攷

不博編次無法不能使盡人通曉故耶

兩垞先生於居稽之暇緝成一書補其缺漏去其紕舛廣其義例精其稽檢從前之作者一空後學之指南斯在矣 先生曠於學蘊於德通於識而能致於用此書特游藝之一端而史家三長出其緒餘固已跨邁前賢如此謹識卷尾以諗讀是書者道光七年十月李兆洛識

甘泉鄉人稿云近時專考紀元之書清白士元號畧為備卷一卷二
專號共六百五十八卷三重號一百八十五卷四供號一百三皆以韻為次更有補
遺一卷秀水葉兩坵維庚宰江陰時刻紀元通考十二卷蓋加慶九年
所撰次也首歷代正統年號次分霸次僭竊次外國次摠議不用次更
書異辭次無甲子可考次分霸時紀年表次依韻類編次三字四字六
字紀元次古今相同次本國前代相同次中朝同於僭竊次年號甲子
皆同次上下兩字無一相同次一年兩號三號次改元最多次一君不之元
次稱舊君年號而以總論二卷終焉葉君精熟通鑑吾友胡仁圃祥
麟記誦六該洽常自謂不及也聞葉君撰著尚多余僅見此刻云

